

Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna

**Ministarstvo prostornog uređenja, građenja, zaštite okoliša,
povratka i stambenih poslova**

Na temelju Odluke o usvajanju programa utroška sredstava s kriterijima raspodjele sredstava „Kapitalnih transfera - poticaji povratku prognanika, obnovi i razvitku“ za 2026. godinu broj 01-11.7-1534/2026 od 26.06.2026. godine, s ciljem kvalitetne i transparentne provedbe projekata poticaji povratka prognanih, obnovi i razvoju u 2026. godini, Ministarstvo prostornog uređenja, građenja, zaštite okoliša, povratka i stambenih poslova objavljuje:

JAVNI POZIV

**za podnošenje prijave za projekte Kapitalni transferi pojedincima -
poticaj povratku prognanih, obnovi i razvoju
u 2026. godini**

- **Sredstva kao pomoć pojedincima za obnovu i rekonstrukciju stambenih objekata na području SBK/KSB**

I.

Predmet javnog poziva je prikupljanje prijave za dodjelu sredstava iz budžetskih sredstava za 2026. godinu.

Sredstva za realizaciju ovog Programa utvrđena su budžetom Ministarstva prostornog uređenja, građenja, zaštite okoliša, povratka i stambenih poslova, razdjel 18, glava 01, budžetski korisnik 0001, izvor financiranja 10, ekonomski kod 615 200 – Kapitalni transferi pojedincima - poticaj povratku prognanih, obnovi i razvoju u ukupnom raspoloživom iznosu od 1.500.000,00 KM.

Sredstva se dodjeljuju korisnicima sredstava za projekte kao nepovratna sredstva putem javnog poziva, a 40% sredstava dodjeljuje se na zahtjev korisnika sredstava kao interventna sredstva.

II.

Kapitalni transferi pojedincima

Cilj ovog projekta je učiniti ulaganja u održivo grijanje i energijsku efikasnost pristupačnijim za domaćinstva sa područja gradova/općina SBK/KSB kantona, s ciljem smanjenja emisija čestica iz grijanja, a putem zamjene peći/kotlova na ugalj i ostala čvrsta goriva certificiranim pećima/kotlovima i toplotnim pumpama u domaćinstvima u kantonu.

Ministarstvo javnim pozivom može u toku budžetske godine sufinansirati neke od mjera energetske efikasnosti i to:

- a) Termoizolacija zidova, sanacija krovova ili zamjena stolarije (nabavka i ugradnja)
- b) Ugradnja toplotne pumpe (nabavka i ugradnja)
- c) Nabavka i ugradnja kotlova ili peći koja koriste ekološki prihvatljiva goriva

Pravo sudjelovanja ostvaruju: fizička lica (građani) koja su vlasnici/suvlasnici stambenih objekata, Općine/MZ/Javne ustanove u ime pojedinaca, prijavom na javni poziv.

Nemaju pravo na podnošenje projekata i učešće na javnom pozivu

Pojedinci koji su dobili sredstva u 2025 godini po Javnom pozivu kao i pojedinci koje nisu dostavile izvještaj o implementaciji programa po ranije dobivenim poticajnim sredstvima i kojima od strane Ministarstva nije prihvaćen izvještaj.

Očekivani učinci: poboljšanje uvjeta života.

Kriterij za izbor projekata: raspodjela sredstava vršit će se za programe i projekte u skladu sa općim, ostalim i posebnim kriterijima vodeći računa o ravnomjernoj zastupljenosti korisnika s cijelog područja SBK.

III.

Potrebna dokumentacija

Opći kriteriji za raspodjelu sredstava su:

- a) Čisto popunjen potpisan i/ili ovjeren obrazac prijave koji se objavljuje uz javni poziv, a koji će biti dostupan u Ministarstvu prostornog uređenja, građenja, zaštite okoliša, povratka i stambenih poslova u Travniku, u općinskim službama ili na web stranici Vlade KSB/SBK
- b) Ovjeren predmjer ili predračun radova, odnosno specifikacija materijala i/ili opreme i sl.
- c) Da podnosilac prijave ima prijavljeno prebivalište na adresi objekta koji je predmet prijave – CIPS ne stariji od 30 dana računajući od dana prijave na Javni poziv – original;

Ostali kriteriji za raspodjelu sredstava

U razmatranje se uzimaju samo zahtjevi koji ispunjavaju neku od nabrojanih kategorija uz dokaze za iste:

- a) Teško socijalno i ekonomsko stanje - uz kućnu listu ovjerenu od strane nadležnog organa dostaviti sljedeće: potvrda o zaposlenju (platna lista, ček penzije, potvrda zavoda za zapošljavanje da nije u radnom odnosu ili potvrda Centra za socijalni rad da se nalazi u evidenciji Centra), za članove sa kućne liste koji posjeduju jedno od nabrojanih, za djecu koja pohađaju školu ili fakultet nije potrebna potvrda.
- b) Žive u uvjetima koji su ispod utvrđenog stambenog minimuma bez vode, struje i sanitarnih uvjeta, stanje objekta - potvrda MZ ili općine o uvjetima
- c) Izvještavanje o realizaciji ranije dobivenih sredstava - Ako su korištena sredstva obrazložiti koji iznos sredstava i namjenu u koju su potrošena
- d) Novi projekat ili nastavak već započetog projekta - izjava
- e) Da je podnosilac prijave obezbijedio potrebno vlastito učešće/sredstva za zatvaranje finansijske konstrukcije projekta – izjava I
- f) Da podnosilac prijave ima vlasništvo/suvlasništvo nad objektom koji je predmet prijave – izjava I
- g) Da je saglasan sa korištenjem ličnih podataka od strane Ministarstva za potrebe ovog Javnog poziva – izjava I

- h) Potvrda banke o žiroračunu i kopija lične karte
- i) Dokumentacija izgleda objekta koji je predmet prijave na Javni poziv – izjava podnosioca i 4 slike

IV. Interventna sredstva

Ministarstva prostornog uređenja, građenja, zaštite okoliša, povratka i stambenih poslova će interventna sredstva dodjeljivati do 31. 12. 2026. godine odnosno do utroška raspoloživih sredstava, a na osnovu pristiglih zahtjeva koji ispunjavaju potrebne uvjete.

Sredstva će se dodjeljivati u skladu s općim i ostalim kriterijima utvrđenim u Odluci o usvajanju programa utroška sredstava s kriterijima raspodjele sredstava kapitalnih transfera.

Opći kriteriji:

- a) Čisto popunjen potpisan i/ili ovjeren obrazac zahtjeva za interventna sredstva koji se objavljuje uz javni poziv, a koji će biti dostupan u Ministarstvu prostornog uređenja, građenja, zaštite okoliša, povratka i stambenih poslova u Travniku, u općinskim službama ili na web stranici Vlade SBK/KSB
- b) Ovjeren predmjer ili predračun radova, odnosno specifikacija materijala i/ili opreme i sl.

Ostali kriterij:

- a) Sufinanciranje projekata vlastitim sredstvima najmanje 20% ili sufinansiranje od strane općina, MZ i slično
- b) Elementarna nepogoda – zapisnik Civilne zaštite, opštinske službe, mjesne zajednice o šteti koja je nastala
- c) Nepredviđeni i hitni projekti iz oblasti infrastrukture – izjava opštine, mjesne zajednice

V.

Minimalan iznos bespovratnih sredstava koji se po zahtjevu može dodijeliti je 10% od ukupne investicije ne manje od 500,00 KM, a maksimalan iznos sredstava koji se po zahtjevu može dodijeliti je 50% od ukupne investicije, ali ne više od 10.000,00 KM

VI.

Prijave koje ispunjavaju opće kriterije mogu se dalje bodovati i dodijeliti maksimalni bodovi prema odgovarajućim ostalim kriterijima:

- | | |
|---|-----------|
| a) teško socijalno i ekonomsko stanje | 15 bodova |
| b) žive u uvjetima koji su ispod utvrđenog stambenog minimuma bez vode, struje i sanitarnih uvjeta – stanje objekta | 20 bodova |
| c) izvještavanje o realizaciji ranije dobivenih sredstava | 10 bodova |
| d) Da je podnosilac prijave obezbijedio potrebno vlastito učešće/sredstva za zatvaranje finansijske konstrukcije projekta | 15 bodova |
| e) Novi projekat ili nastavak već započetog projekta | 10 bodova |
| f) Dokumentacija izgleda objekta koji je predmet prijave | 15 bodova |

Interventna sredstva

- a) Sufinanciranje projekata vlastitim sredstvima najmanje 20% ili sufinansiranje od strane općina, MZ i slično 30 bodova
- b) Elementarna nepogoda – zapisnik Civilne zaštite, opštinske službe, mjesne zajednice o šteti koja je nastala 30 bodova
- c) Nepredviđeni i hitni projekti iz oblasti infrastrukture – izjava opštine, mjesne zajednice 25 bodova

Da bi prijava bila prihvatljiva, treba biti ocijenjena sa minimalno 50 bodova, maksimalan broj bodova koji može biti dodijeljen od strane Komisije za ocjenu prijava po Javnom pozivu iznosi 85 bodova.

Uvjeti koji trebaju biti ispunjeni da bi određeni projekat bio realiziran su:

- a) Prijava je zadovoljila formalno - pravne uvjete učešća tj. opće kriterije
- b) Prijava je zadovoljila minimalne ostale kriterije po javnom pozivu i projekat je ocijenjen sa minimalno 50 bodova

VII.

Ministar imenuje komisiju koja će razmotriti pristigle prijave po objavi Javnog poziva i ocijeniti ispunjenost općih kriterija za odobravanje istih, potom bodovati prema ostalim kriterijima i sačiniti popis svih dostavljenih i prihvatljivih prijava s obrazloženjem i mišljenjem.

Komisija donosi Kriterije za rad Komisije za utvrđivanje prijedloga liste uspješnih projekata za su/finansiranje iz sredstava Ministarstva za 2025 godinu, kojima se detaljno razrađuju kriteriji, a koji služi za utvrđivanje prijedloga liste uspješnih projekata.

Komisija za stručni odabir podnosi izvještaj o svom radu ministru s prijedlogom odluke o dodjeli sredstava na bazi Javnog poziva za dodjelu sredstava za realizaciju programa, projekata i sličnih aktivnosti iz oblasti poticaj povratku prognanih, obnovi i razvoju za 2025. godinu.

Posebni kriteriji na osnovu kojih Vlada KSB na prijedlog ministra donosi Odluku o raspodjeli i izdvajanju sredstava sa sačinjenog popisa prihvatljivih prijava komisije za stručnu ocjenu, a koje zadovoljavaju opće i ostale kriterije su slijedeći:

- a) Razvojni kriterij (projekt je od značaja za Kanton/općinu/grad, održivost i razvoj zajednice) - preporuka/izjava opštine o usklađenosti sa važećim strateškim dokumentom 5 bodova
- b) Disperzna raspodjela sredstava po općinama (u skladu sa veličinom, potrebama općine i broju zahtjeva) 5 bodova
- c) Ranija iskustva s aplikantom u smislu ozbiljnosti pristupu i realizaciji kandidiranih projekata – izjava komisija 5 bodova

VIII. (Obavještenje i prigovor)

Aplikanti koji ne ispunjavaju formalno - pravne uslove, zatim aplikanti čiji su projektni prijedlozi manje od 50 bodova i ne nalaze na predloženoj listi uspješnih projekata za su/finansiranje iz namjenskih sredstava, mogu podnijeti prigovor Ministarstvu u roku od tri dana od dana objave konačne liste.

O prigovoru odlučuje ministar.

Odluka o prigovoru je konačna.

IX.

Nadzor i kontrolu namjenskog korištenja sredstava od strane korisnika sredstava vršit će Komisija za nadzor koju imenuje ministar Ministarstva prostornog uređenja, građenja, zaštite okoliša, povratka i stambenih poslova, koja broji tri člana.

Kontrola će se vršiti na osnovu dostavljenih izvještaja korisnika, a po potrebi i neposredno kod korisnika sredstava.

X.

Nakon objave preliminarne liste na stranici Vlade SBK i donošenja odluke Vlade Kantona o izdvajanju sredstava namjenskih sredstava sa korisnicima sredstava zaključit će se ugovor kojim će se urediti uslovi i način korištenja dodjeljenih sredstava, način praćenja namjenskog korištenja dodjeljenih sredstava, dokumentacija koju je korisnik sredstava obavezan dostaviti Ministarstvu, rok važenja ugovora.

XI.

Prijavni obrasci, izjave kao i tekst ovog javnog poziva mogu se preuzeti na web stranici Srednjobosanskog kantona: www.sbk-ksb.gov.ba.

Elektronski ili čisto ručno popunjen, potpisan i ovjeren prijavni obrazac kao i izjave moraju biti potpisan od strane podnosioca zahtjeva.

XII.

Način dostavljanje prijava po Javnom pozivu

Dostavljanje prijava projekata se vrši u zatvorenoj koverti poštom ili osobno na protokol

SBK/KSB
Ministarstvo prostornog uređenja, građenja, zaštite okoliša,
povratka i stambenih poslova
Stanična 43, 72270 Travnik
"Prijava na Javni poziv - odjel obnove i povratka".
Poziv na broj 07-11.1-864/26
Ne otvarati


Javni poziv je otvoren do 30.04.2026 godine, a zahtjevi za interventna sredstva je otvoren do kraja 2026 godine odnosno do utroška sredstava.

Javni oglas će biti objavljen na oglasnim pločama kantona, općina SBK/KSB i web stranici Vlade SBK/KSB (www.sbk-ksb.gov.ba)

Nepotpune prijave neće se uzeti u razmatranje, kao i naknadne dopune projektnog prijedloga, objašnjenja, obrazloženja i sl. dostavljeni nakon isteka roka se neće uzimati u razmatranje.

Dodatne informacije mogu se dobiti na telefon: (030) 511 159.

Broj: 07-11-1-864/26
Travnik, 12.03.2026. god.



MINISTAR
Amir Šećibović, prof.